

KYRKJEKONTAKTEN

NR.3 — 2025 · 51. ÅRGANG · KYRKJELYDSBLAD FOR ALVERSUND / KNARVIK / LYGRA / SEIM

Side 2-3
Biskopbesøk

Side 4
Orgeljubileum

Opnar dører

Av Magne Bjørndal

– Ein bispevisitas opnar dører mellom lokalsamfunnet og kyrkjelyden, seier Ragnhild Jepsen. I oktober vitjar ho Knarvik og Lindås sokn. I forkant tok Kyrkjekontakten kontakt på e-post.

Tradisjonen med bispevisitas har røtene sine langt tilbake. Biskopen vitjar eit område over nokre dagar, møter tilsette, sokneråd, born og unge, representantar for kommunen osv. Ordninga vart til i ei tid då kyrkja hadde ein langt meir framskoten posisjon i lokalsamfunna enn den har no.

– Kva funksjon tenkjer biskopen at visitasane har i den kyrkja og det samfunnet me har i dag?

– Eg trur bispevisitasen framleis har ein funksjon både i biskopens møte med kyrkjelyden og dei tilsette, men også fordi den kan vere med å opna dører - for samtalar som skjer lokalt, og synleggjera at dette er viktig, svarar Ragnhild Jepsen. - Det er mitt inntrykk - og me veit jo - at lokalkyrkja står sterkt i Bjørgvin bispedøme og at folk i lokalsamfunna bryr seg om og har stor kjærleik - både for kyrkjesusa og kyrkjelydsarbeidet. Ettersom så mykje av arbeidet vårt skjer i samarbeidsrelasjonar med andre aktørar; skule, kommune og frivillige organisasjonar, er bispevisitasen eit godt høve til å halda fram det viktige i at vi arbeider saman og kjenner kvarandre. Og så treng vi jo alle av og til å bli sett! Visitasen er også eit høve for biskopen til å sjå og til å stadfesta, til å feira gudsteneste saman med kyrkjelyden, og ikkje minst å få kunnskap om det som skjer rundt om i bispedømet.

– Kva forventningar har du framfor besøket til vårt område, spør me vidare, og er det noko du særleg gler deg til, eller tenkjer det er spesielt viktig i løfta fram akkurat her?

– Det har ikkje vore visitas i Alver etter kommunesamanslåinga. Visitasen er til ein av dei store kommunane i Vestland, der folk skal finna saman i arbeid og organisering, men der ein også skal få halda på tradisjonar og særpreg slik ein er vant til det. Dette ser eg fram til å høyra meir om; korleis ivareta det heilt lokale, og samstundes kjenna at ein er del av noko større, og at det også kan vere ein god ting. Men til dette høyrer det jo også å tale om det som gjer sårbar, og det som utfordrar. Eg skal lytte til forteljingar og erfaringar, det er alltid fint.

Så likar eg så godt å koma til kyrkjer eg ikkje har vore i før og møta menneske der i alle aldrar, frå arbeidet i trusopplæringa til eldretreff, med sokneråda og frivillige. Litt tilfeldig har det vorte slik at eg har fått feira gudsteneste i Knarvik kyrkje fleire gonger. Det er alltid så fint å koma dit, så det ser eg også fram til.



Visitas er eit høve for biskopen til å sjå og til å stadfesta, til å feira gudsteneste saman med kyrkjelyden, og ikkje minst å få kunnskap om det som skjer rundt om i bispedømet.

Foto: Arthur Kleiveland.

Til slutt spør me om dei meir generelle erfaringane, etter visitasane biskopen så langt har hatt i Bjørgvin.

– Det er mi von at visitasen ikkje berre skal vera ei festveke der vi er saman om flotte ting, men så blir det tomt og stille etterpå. Visitasen fyller sin funksjon når sokneråd, fellesråd, tilsette og kyrkjelyd i etterkant kjenner at arbeid er stadfesta, men at ein også kanskje har fått inspirasjon og retning til vidare arbeid og relasjonsbygging.

Eg har hatt veldig flotte opplevingar med visitasane eg har vore på. Eg har møtt så mange flotte folk, blitt kjent med lokalkultur og særpreg, fått køyra gravemaskin i Sveio og vore prøvesmakar på sider i Hardanger. Og mitt inntrykk er at alle stadane eg har vore, er kyrkja rekna med som ein viktig aktør i lokalsamfunnet fordi den har noko å fara med, den er der for menneske i alle aldrar og livssituasjonar, og den er eit truverdig vitne om Kristus i verda. Det fyller meg med stor glede!

Det er lite truleg at biskopen får køyra gravemaskin eller prøvesmaka sider under visitasen i Knarvik og Lindås, men det kan bli gode og inspirerande dagar likevel, og Kyrkjekontakten sin medarbeidar ønskjer Ragnhild Jepsen hjarteleg velkomen! Og så oppmuntrar han folk til å slutta opp om dei ulike arrangementa desse dagane, og slik vera med på å synleggjera kva kyrkja betyr.

Bispevisitas i Knarvik og Lindås sokn 22.-26. oktober

Kva skjer?

Biskopen vil møte mange menneske når ho er på visitas i Lindås og Knarvik sokn.

Nokre arrangement er opne:

- **Kvilepuls** i Lindås kyrkje onsdag 22. oktober kl. 18. Samtale med biskopen, allsong, musikk og kyrkjekaffi.

- **Visitasgudsteneste** i Knarvik kyrkje søndag 26. oktober kl. 11. Det blir ei familiegudsteneste med mange lokale aktørar. I forlenging av gudstenesta vert det visitasforedrag og kyrkjekaffi på Petersplassen.

Elles vil biskopen møte leiinga i kommunen, vere med på felles soknerådsmøte for Lindås og Knarvik sokn og møte elevar på Knarvik ungdomsskule. Ho får også besøke Lyngheisenteret og den lokale avdelinga av NMS Gjenbruk. På fredag kveld vil biskopen møte ungdommane som er med på followme.



Alle er velkomne til visitasgudsteneste og kyrkjekaffi søndag 26. oktober. Biskop Ragnhild var med på kyrkjekaffi etter jubileumsgudstenesta i 2024. Foto Arthur Kleiveland.

Seimstrand as
5912 SEIM - tlf. 56 35 79 00 - fax 56 35 79 15


Nordhordland Elektro

Lindåsvegen 153, 5914 Isdalstø
Tlf.: 56 35 73 80 | post@nordhordland-elektro.no

elektroniksjeden
norgeseliten
(den tryggeste - sikreste)

REMA 1000

Specsavers

OPTIKER I KNARVIK
-Bestill synsprøve nå!
RING 56 35 14 66



Flott opningskonsert for det nye orgelet i Knarvik kyrkje for ti år sidan. I september blir det jubileumskonsert. Foto Morten Sæle.

Ti tusen delar vart prakt-orgel

Tekst: Arthur Kleiveland

Det var litt av eit puslespel når 10.000 delar skulle monterast saman til det nye orgelet i Knarvik kyrkje. Bokstaveleg talt heile kyrkjerommet vart tatt i bruk. Ti år seinare er det klart for jubileumskonsert.

På opningskonserten for det nye orgelet var det Karstein Askeland som sat på orgelkrakken. Denne gongen er det ein annan svært dyktig organist, Sigurd Melvær Øgaard, som er invitert til å spela på jubileumskonserten laurdag 27. september kl. 15:00.

- Me får servert eit flott konsertprogram på det store og vakre orgelet, fortel kantor Odd Leif Mjøs.

Det er gratis inngang, og Mjøs lovar orgelbrus til store og små.

Flatpakka frå fabrikken

Det er den sveitsiske orgelfirmaet Meizler som har bygt orgelet i Knarvik kyrkje. Orgelet kom flatpakka frå orgelfabrikken i Sveits.

Under bygginga var kyrkja stengd for anna aktivitet frå 15. august til 11. oktober. Tre mann frå orgelfirmaet brukte fire veker på monteringa, og deretter kom to andre for å stemma og tilpassa orgelet til kyrkjerommet. Treverket som er brukt i orgelet er eik. Det osar av godt handverk, vart det sagt den gongen.

Trond Mohn stod for finansiering av orgelet, som hadde ein prislapp på rundt fem millionar kroner.

Ein stor rikdom

- Det er ein stor rikdom å ha eit orgel av ein så høg kvalitet, ein klingande verdi som varer gjennom generasjonar, seier Odd Leif Mjøs. Han fortel at i haust legg Alver kulturskule orgelundervisninga til Knarvik kyrkje!



Golv i kyrkjerommet var fylt med orgeldelar under monteringa. Foto Synnøve Bjørndal.



Fasteaksjonen med mykje håp

Strilane er vane med å dela med folk som treng hjelp. Slik også med årets fasteaksjon!

Her er resultata for innsamlinga i Alver-sokna som gjekk føre seg i starten av april i år, og med tala frå 2024 i parentes:


Meland	120.733 kr	(101.048)
Radøy	87.907 kr	(81.422)
Lindås	51.943 kr	(46.028)

Knarvik	27.713 kr	(27.041)
Osterfjorden	35.642 kr	(17.919)
SUM	323.938 kr	(273.458)

Ein auke på over 50.000 kr frå i fjor, det står det respekt av!

Stor takk til alle som organiserte, som gjekk og som gav! Dette gjev håp og glede til mange menneske!

Barnas



PRIKK TIL PRIKK
Teikn ein strek frå prikk til prikk. Kva skjuler seg her?


FINN FEM FEIL

Dei to bileta er nesten like. Finn du dei fem feila på biletet under?



Teikning: TREVOR KEEN





James og Mark slår og steller kyrkjegardane i Alver. Dei to brørne frå Nairobi er svært glade for jobben som sesongarbeidarar i seks månader for året. - Vi er veldig glade for å ha dei her, seier John Henanger, driftsleiar i Alver kyrkjelege fellesråd.

To brør frå Nairobi held kyrkjegardane fine år etter år

Tekst og foto: Arthur Kleiveland

I mange år har to brør frå Kenya kome tilbake for å slå og stella kyrkjegardane i Alver. James og Mark Okoth er her seks månadar om gongen som sesongarbeidarar.

James og Mark trivst veldig godt både med jobben på kyrkjegardane og med strilane. Dei har vore sesongarbeidarar heilt tilbake til 2011. Først i tidlegare Lindås kommune, no dei siste åra hatt dei hatt heile Alver som arbeidsfelt.

Gjer ein flott jobb

- Dei gjer ein flott jobb, me er veldig glade for at dei kjem tilbake år etter år, seier John Henanger, driftsleiar i Alver kyrkjelege fellesråd.

Frå Nairobi har dei to brørne ei flyreise på 7000 km til "sommarjobben". Dei er vane med sol og varme, så det flotte sommarværet i Norge har dei ikkje noko problem med.

- Det taklar vi fint, berre vi passar på at inntaket av vatn er tilstrekkeleg, seier dei med eit smil.

14 kyrkjegardar på ti dagar

Dei har plenslått på kyrkjegardane som si hovudoppgåve, men hjelper også til med vedlikehald av ulikt slag som

maling, litt tømrararbeid og rydding av gangveggar ved kyrkjegardane.

Dei slår graset på fjorten kyrkjegardar i løpet av ein ti dagars-periode. Og så startar dei på nytt.

- Dei er sjølvgåande, og klarar seg på eiga hand, seier ein fornøgd John Henanger.

James har tatt norsk førarkort, og med utstyret på tilhengaren set han og Mark kursen mot neste kyrkjegard. I går var det plenslått på Lindås og Myking, og i dag gjer dei seg ferdig på Myking før dei set kursen mot neste plass.

- På Myking er det også ein gamal kyrkjegard som blir stelt, og det er eit par andre slike stader i Alver som skal slåast, seier Henanger.

Møtte ein nordmann i Nairobi

Det var litt tilfeldig at dei to brørne frå Nairobi kom til Norge. Dei vart invitert hit av ein god venn som dei var blitt kjend med i Kenya. Mannen frå Nordhordland hjelte Mark med jobb på ISS Mongstad. Her var han tilsett i nokre år fram til 2010. Og då det året etter var bruk for sesongarbeidarar på

kyrkjegardane i Lindås, meldte dei to brørne si interesse og vart tilsett.

James og Mark har kone og familie heime i Nairobi. Sjølv sagt saknar dei familien sin, men dei held kontakten «live» på sosiale medier. Inntekta frå dei seks månadane i Alver, går til livsopphald for familien og skulegang for ungane. I Kenya har dei ikkje nokon annan jobb, utover at dei hjelper til på faren sitt gardsbruk eit godt stykke unna Nairobi.

Veldig vanskeleg korona-år

I det verste korona-året var Norge stengt ned, og dei fekk ikkje innreise.

- Det var ei vanskeleg tid for oss. Me var veldig glade då me året etter kunne koma tilbake og jobba her, seier dei to brørne.

Dei får mange gode tilbakemeldingar rundt om på kyrkjegardane, og synest det er veldig kjekt at folk kjem bort og helsar på.

Dei er svært godt fornøgd med John Henanger som sjef.

- John er veldig støttande, snakkar med alle og har alltid eit smil og ein hyggeleg kommentar på lur. Han har tatt i mot oss med opne armar, fortel James og Mark.

Har gått Bjørn West-marsjen

Brørne frå Kenya synest også kollegaene er hyggelege folk, og dei gler seg over å få vera med i sosiale samankomstar, som sommarfesten. Dei finn seg godt til rette i Nordhordland, og har til og med gått den lange Bjørn West-marsjen eit par gongar. Dei nyttar også fridagane sine til å sjå seg om andre stader i landet.

James og Mark ønskjer å koma tilbake som sesongarbeidarar i mange år framover. Og snart er det dei to brørne som har lengst fartstid på kyrkjegardane i Alver.

James og Mark er tilknytt driftsavdelinga i Alver kyrkjelege fellesråd, som omfattar fem stillingar i hundre prosent, ein person i 60 prosent stilling, tre sesongarbeidarar i seks månader, pluss 1-2 sommarhjelpere. I tillegg er det ei 100% stilling ledig som fagarbeidar gravplass /gartnar, med søknadsfrist siste del av august.

Alverkyrkjene: medarrangørar for nordisk konferanse om flyktningar

25.-27. september er representantar for kyrkjene i Alver medarrangørar for ein konferanse i Bergen og flyktningearbeid, med kyrkjevevjer John Fredrik Wallace som komiteleiar. Tema er «Building Kingdom Bridges – from hospitality to fellowship». (Bygge bruer for Kongeriket. Frå gjestfridom til fellesskap.) Konferansen blir på engelsk, men det blir moglegheit for tolking til norsk. Det vert innleiarar frå England, Sverige og Norge og deltakarar elles frå Norden, inkludert frå Alver. Informasjon om konferansen finn du på nordicrefuge.com



Mark og James slår 14 kyrkjegardar i løpet av ein tidagsperiode.

Torsvik Elektro AS er total-leverandør av elektroinstallasjoner i Alver

Vi utfører:

Bolig og industri • Alarm
Billadere • Adgangskontroll
Tele/data-nettverk •
Automatisering •
Godkjent for kontroll
av el. anlegg



Torsvik Elektro AS / Lager: Olsvollstranda
Tlf: 56 38 50 00 / www.torsvik.no / post@torsvik.no
KVALITETSBEVISST – LØSNINGSORIENTERT – SAMARBEIDSVILLIG



Bygg Team VEST AS



Alt innan tømrarfaget!

1700 år siden kirkemøtet i Nikea

Tekst: Berit Nøst Dale

Tenk, når vi på en gudstjeneste sier fram det som vi kaller «Den nikenske trosbekjennelsen», gjør vi det sammen med alle dem som har gjort det i 1700 år! Det aller første kirkemøtet i historien ble nemlig holdt i 325 i den lille byen Nikea i Tyrkia (derav «nikensk»). Der ble altså denne trosbekjennelsen laget. Så i år markerer vi et stort jubileum. Bakgrunnen er denne:

Kirken i den første tiden

I de tre første århundrene var mye av det vi i dag ser på som sentralt i den kristne tro, enda ikke definert. Verken den apostoliske eller den nikenske trosbekjennelse var skrevet ned, selv om den apostoliske hadde vært i bruk lenge. Det er den vi oftest bruker i kirken vår.

En trosbekjennelse er fast formulerte setninger som sier hva vi tror på som kirke. Vi sier det fram høyt sammen i gudstjenesten. Den består av tre ledd; om Faderen, om Sønnen (Jesus) og om Den hellige ånd.

Det nye testamentet (NT) var heller ikke samlet som et hele, og noen av tekstene vi har i NT i dag, var enda ikke tydelig anerkjent som hellige skrifter. Heller ikke det vi kaller «treenighetslæren» var blitt formulert. Det er derfor ikke så rart at det ble diskusjoner og uenighet innad i kirken om hva den overleverte troen egentlig består av.

En gruppe som kalte seg gnostikere, utfordret kirken på 100-tallet. De forkynte at ånd og materie er adskilt, og avviste at Gud kunne bli menneske. Dermed avviste de også at Jesus har stått opp fra de døde, som jo er kjernepunktet i kristendommen.

Hva skjedde senere?

Hvem var Jesus egentlig?

På 2-300-tallet opplevde de kristne i Romerriket de verste forfølgelsene til da. Keiser Diokletian gikk brutalt fram med mål om å utrydde kirken helt. De som nektet å etterkomme keiserens befalinger, ble henrettet. Den neste keiseren, Galerius, mislyktes med å utrydde de kristne og lot dem få lov til å bygge opp igjen kirkene som var blitt ødelagt.

Så ble Konstantin (275-337) keiser i Vestromerriket. Han stilte alle religioner likt. Og i 313 ble kirken tillatt igjen. Konstantin samarbeidet med de kristne i tiden som kom. Da han ble keiser også over Østromerriket, flyttet han hovedstaden til Bysants og kalte den Konstantinopel. Dette ble den viktigste kristne byen i 1000 år.

Men livet i kirken på 300-tallet kom til å bli preget av konflikt. Nå var spørsmålet som gnostikerne hadde stilt på 100-tallet, aktivisert igjen. Hvem var Jesus egentlig? Kunne en som var født som menneske, som led og døde, virkelig være Gud?

Uenigheten begynte i Aleksandria i Egypt i 318.

En stor debatt oppstod mellom biskopen i byen, Aleksander, og Arius, en av prestene. Arius mente at fordi Jesus var født, kunne han ikke være evig eller Gud. Han fikk mange tilhengere. Det han sa, hørtes fornuftig ut. Men han fikk mange motstandere også. Biskop Aleksander avsatte Arius som prest og stengte ham ute fra kirken. Fordi striden gjaldt det helt sentrale i kristendommen, splittet den også menighetene.

Da grep keiser Konstantin inn. Han ville samle kirken igjen. Derfor innkalte han i år 325 biskopene i riket, 250 i tallet, til det aller første kirkemøtet i historien i den lille byen Nikea i nærheten av Konstantinopel. Møtet samlet representanter fra de store kristne sentrene i Øst-Europa, Asia og Afrika. Menighetene i Vest-Europa og Roma var for små og langt vekke til å få stemmerett.

Det var keiseren selv som ledet møtet. Resultatet ble at Arius' syn på hvem Jesus var, ble fordømt. Kirkemøtet i Nikea formulerte så en bekjennelse der det står i det andre avsnittet om Jesus: "Vi tror på en Herre, Jesus Kristus, Guds enbårne sønn, født av Faderen før alle tider, Gud av Gud, lys av lys, ..." (se resten i tekstboksen neste side)

Denne bekjennelsen kalles da Den nikenske trosbekjennelsen.

Arius' syn fortsatte likevel å spre seg, og striden varte helt fram til et nytt kirkemøte ble holdt om den samme saken. Denne gangen møttes de i 381 i Konstantinopel. Der ble Nikea-bekjennelsen vedtatt på nytt med bare små endringer. Nicaenu-Constantinopolitanum blir den kalt på latin. Der slo de fast en gang til at Jesus er Gud. Han var ikke et skapt vesen, som Arius hadde hevdet.

Denne bekjennelsen blir brukt i kirkene både i øst og vest og er fremdeles del av læren til de fleste kirkesamfunn, også Den norske kirke. Det er verdt en jubileumsfeiring!



Ikonet viser keiser Konstantin og biskopene som viser teksten i Den nikenske trosbekjennelsen.

Salme

Usynlig er ditt rike, men synlig er det der hvor ordet ditt forkynnes og dine gaver er.

Vi ber deg: Vær til stede i all vår usseldom. Vær sterk i all vår svakhet som første gang du kom.

Usynlig er du, Herre, men synlig er du her, i brødet som vi deler, og vinen er du nær.

Vi ber deg: Vær til stede i all vår usseldom. Vær sterk i all vår svakhet som første gang du kom.

Sindre Skeie

«Vi trur på éin Gud, den allmektige Far, som har skapt himmel og jord, alt synleg og usynleg.

Vi trur på éin Herre, Jesus Kristus, Guds einborne Son, fødd av Faderen før alle tider, Gud av Gud, lys av lys, sann Gud av sann Gud, fødd, ikkje skapt, av same vesen som Faderen. Ved han er alt skapt. For oss menneske og til vår frelse steig han ned frå himmelen, og ved Den heilage ande og av Maria møy vart han menneske av kjøt og blod. Han vart krossfest for oss under Pontius Pilatus, leid og vart gravlagd, stod opp tredje dagen etter Skriftene og fór opp til himmelen, sit ved høgre handa åt Faderen, skal koma att i herlegdom og døma levande og døde, og hans rike skal vera utan ende.

Vi trur på Den heilage ande, som er Herre og gjer levande, som går ut frå Faderen og Sonen, som vert tilbeden og æra saman med Faderen og Sonen, og som har tala gjennom profetane. Vi trur på éi heilag, allmenn og apostolisk kyrkje. Vi vedkjennest éin dåp til forlating for syndene og ser fram til oppstoda av dei døde og eit liv i den komande verda. Amen.»

HELLAND ELEKTRO AS

EL.INSTALLASJON - INGENIØRTENESTER - SERVICE

Torvhusmyrane 6
Nordhordland Næringspark
5913 Eikangervåg

Tlf: 56 34 24 30
E-post: post@helland-elektro.no
www.helland-elektro.no
Foretaksregisteret: NO 986 751 718 MVA

SIKRINGEN
- DIN ELEKTRIKER

Knarvik Blomstestove

Kvassnesvegen 11 – 5914 Isdalstø
Tlf: 56 35 62 20 – www.knarvikblomstestove.no

NORDHORDLAND BEGRAVELSESBYRÅ

Ditt lokale gravferdsbyrå

ALLTID HER FOR deg

DU NÅR OSS PÅ TLF. 56 37 14 10 - 56 99 25 70

Kyrkjevegen 1 Alversund **Havnevegen 31 Frekhaug** **Elvavegen 1 Dalekvam**

VATNE

begravelsesbyrå

Tlf: 56 35 09 10 (24t)
Kvassnesvegen 11, 5914 Isdalsbø

vatne-byra.no



– Eg elsker å plukke bær!

Tekst og foto: Håkon Glatved-Prahl

NAMN: Cathrine Grutle

ALDER: 53

JOB: Sokneprest i Knarvik sokn

SIVILSTAND: Gift med Leif Endre

BARN: To gutar og ei jente

I SITT ESS: Cathrine Grutle gler seg over ein innbringande bærseong. – Bærplukking er balsam for sjela, seier ho.

– Det er mykje mental helse i hagearbeid og bærplukking, i alle fall for meg. Og gjerne med ei god lydbok på øyret.

Soknepresten i Knarvik sokn, Cathrine Grutle, er neste person ut i serien Presten På Privaten.

Vi møter Cathrine ein solfylt dag heime i Åsane. På førehand har ho gitt beskjed om at «dersom eg ikkje opnar døra når du bankar på, så finn du meg i hagen». Det stemte. Bak ei av dei svære ripsbuskene i den fine hagen får vi så vidt auge på

hende, ivrig i gang med børsankinga.

– Det er utruleg kjekt å ha så mange bærbusker, seier den fargerike dama, opprinneleg frå Rygge i Østfold, og viser oss rundt i den store hagen, der det bugnar av både solbær og stikkelsbær i tillegg til ripsbuskene.

Fantasy og science fiction

– Vi får gå rett på sak: Kva gjer du helst på fritida?

– Forutan bærplukkinga, «les» eg mykje lydbøker. Det fine



QUILTING: Soknepresten har ei imponerende samling med lappetepper, laga på quiltingvis.

med det er at det kan kombinerast med andre gjeremål.

– Kva sjangrar høyrer du mest då?

– Eg er glad i fantasy og science fiction, og så er eg blitt litt hekta på nyare engelsk og amerikansk litteratur. Eg har som prinsipp at eg alltid les bøkene på originalspråket, altså engelsk.

– Det kan vel tidvis vere litt krevjande?

– Eg har ein liten fordel der, fordi eg i barndommen budde eit år i London medan far min jobba i bank der. Då blei eg etter kvart plutseleg tospråkleg, ein fordel eg har nytt godt av all tid etterpå.

Er hekta på quilting

Frå einebustaden deira på Flaktveit i Åsane er det ei praktfull utsikt over det som ein gong var langt «på landet» og jordbruksland. Saman med mannen Leif Endre, som er prost i Åsane prosti, har dei malt heile huset på nokre få veker i sommar.

– Det har gått knirkefritt, Leif Endre har malt øverst, og eg har halde meg i lavlandet, smiler Cathrine.

Ut på terrassen har ho tatt med eit stort lappeteppe, for å vise ei anna interesse ho har, nemleg quilting.

– Det er lappeteknikk. Kort fortalt så kjøper eg større stoffbitar, som eg klypper til mindre bitar og syr dei saman til større stykke, som for eksempel teppe. Eg har laga veldig mange teppe og andre plagg. Det starta då eg blei mamma første gong og fekk lyst til å sy eit babyteppe til vår eldste son. Då fann eg ein stoffbutikk som også tilbaud kurs i quilting. Eg gjekk på kurs og vart hekta.

I tillegg til quilting er strikking og hekling blant hobbyane hennar.

– Det var bestemorane mine som skapte interessa for det – heldigvis. Eit kjekt handarbeid saman med ei god lydbok på øyret, då kosar eg meg.

Utruleg dårleg vinnar

– Andre interesser du kan trekka fram?

– Brettspel, kjem det kjapt frå den 53 år gamle soknepresten.

– Leif Endre og eg – og gjerne borna våre når dei er på besøk – spelar ofte brettspel saman, som Ticket to Ride, Scrabble og Monopol, og fleire andre av dei gode, gamle spela. Eg må kjapt leggje til at eg er ein svært dårleg tapar. Men eg er ein endå dårlegare vinnar.

– Oi, dårleg vinnar? Korleis har det seg?

– Eg blir så utruleg kjepphøg på meg sjølv. Eg synest det er SÅ gøy å vinne og klarer aldri å skjule kor nøgd eg blir når eg stikk av med seieren. At dei andre i det heile tatt orkar å spele med meg, er rett og slett beundringsverdig, seier Cathrine med eit godt smil om munnen.

Fokuser på takksemnd

– Er det noko i samfunnsdebatten som opptar deg?

Cathrine tenkjer seg litt om før ho svarar.

– Fattigdom engasjerer meg. Og urettferdighet. Eg er opptatt av korleis andre kan få meir glede i liv sine. At det let seg gjere å finne håp, noko å gle seg over og noko å vere takksam for. Eg meiner at takksemnd avlar glede. Det er noko eg sjølv bevisst fokuserer på.

– På kva måte då?

– Dersom ein klarer å flytte fokus frå det som er frykteleg vanskeleg mot noko som ein kan vere takksam for, så kan du faktisk få eit betre liv. Personleg har eg ein rutine med å skrive ned i ei bok kva eg er takksam for. Tre punkt. Det gjer eg kvar kveld før eg legg meg.

– Kan du gje eit døme på det?

– Eg har nyleg mista pappaen min. Ein kveld skreiv eg kor takksam eg er for alt det fine pappa og eg hadde saman, som eitt av dei tre punkta. Dei to andre var takksemnd for å ha så fine kollegaer på jobben min, og det tredje punktet var takksemnd for at eg vann i Scrabble. Vidt forskjellig punkt altså, men det funkantar for meg, avsluttar Cathrine.



Av Solveig Gravem Angelskår

I sommar var eg så heldig, at eg fekk vere med som leiar på ein av leirane på Raknestunet. Temaet for leirane i sommar var: «Er det sant?» Dette er eit spørsmål vi ofte kan kome med dersom nokon fortel om noko fantastisk som har skjedd, og som nesten er for godt til å vere sant. Det er også eit spørsmål vi må stille oss når vi les diverse saker på diverse sosiale medium. Er det eg høyrer eller les verkeleg sant? Og kva med Bibelen? Er det vi les der verkeleg sant? Og

kva med historier kristne fortel om sine møte med Gud, er dei verkeleg sanne? I sommar har mange barn og unge fått høyre historier frå Bibelen. Dei har fått hjelp til å finne fram i sin eigen bibel, eller ein dei fekk låne på Raknestunet, og dei har sjølv fått lese kva som står der. Og så vart dei utfordra på kva dei sjølv trur. Trur dei at det dei les er sant?

Eg dirigerer vaksenkoret Te Deum, som heldt til på Ostereidet, og til påska samarbeida vi med eit par barnekor om ein påskemusikal. Påskemusikalen fortalte

om dagane i påskeveka, og avslutta med at Jesus stod opp frå dei døde - og han er framleis lys, lys levande. Under ei av øvingane var det ei jente som sa at ho ikkje trudde på det vi song. Då kunne eg fortelje at eg trudde.

Eg trur at Jesus stod opp frå grava, og eg trur at han lever. Eg trur det er sant at Jesus er her midt i blant oss no. Hadde eg ikkje trudd det, hadde eg ikkje vore dirigent for koret. Eg hadde ikkje sunge så mykje om Jesus, og eg hadde ikkje jobba i kyrkja. Paulus møtte nok også

mange som ikkje trudde. Det er tydeleg at kyrkjelyden i Korint har diskutert oppstoda, og at ikkje alle trudde. Paulus skriv mykje om dette i slutten av sitt første brev til Korintarane. «Men er ikkje Kristus reist opp, er bodskapen vår tom, og tom er òg trua dykkar» (1 Kor 15,14). Dersom Jesus ikkje stod opp, så har vi ei tom tru. Men dersom han verkeleg stod opp frå dei døde, dersom han er Guds son og er her i dag, så er han verkeleg verdt å satse livet sitt på. Eg trur på Jesus! Gjer du?

KULTURKALENDER

23. september

Knarvik kyrkje kl. 19:25

SALMEKVELD. Nynorsk salmebok kom ut i 1925 og har 100-årsjubileum i år.

24. september

Musikkandakt i Meland kyrkje kl. 19:00.

Kristin Mestad, sopran, Magnus Blom, piano og orgel

Ostereidet kyrkje kl. 19:00

Syng med oss med Te Deum

27. september

Knarvik kyrkje kl. 15:00

Orgelet er 10 år! Konsert med Sigurd Melvær Øgaard. Gratis inngang.

14. oktober

Soul Church i Ostereidet kyrkje kl. 18:00

Ostereidet soul kids og soul children, i lag med Te Deum.

18. oktober

Knarvik kyrkje kl. 19:00

Konsert med kora Knarvik Gospel og Ictus frå Stord.

19. oktober

Kveldssong, I ditt lys, i Ostereidet kyrkje kl. 18:00

Diktlesing ved Helga Bjørke Harnes. Song og musikk ved Åshild Lande, Ole Corneliusen, Helge Hellem m.fl. Utstilling av Solveig Serigstad Hauge

20., 22. og 24. oktober

Alversund kyrkje kl. 19:30

Tredje utgåve av konsertserien "Lieto Kammermusikkfestival". Aldo Hodja og Rebekka Eikefet og musikere frå Bergen Filharmoniske Orkester.

Billetter: Vaksen kr 250. Barn gratis.

22. oktober

Musikkandakt i Meland kyrkje kl. 19:00

Solveig Westermoen, sang, Elisabeth Blom, trompet
Magnus Blom, orgel og piano

25. oktober

Meieriet på Frekhaug kl. 11:00-15:00

Elias Mjåtveit-seminaret 2025: "Med blick på den norske salmen" (biskop Ragnhild m.fl.)

Meland kyrkje kl. 18:00

"Arven frå Nynorsk salmebok" (1925-2025), eit samarbeidsprosjekt mellom kyrkja og mållaget.

25. oktober

Sæbø kyrkje kl. 17:00

Førestillinga «Med mine øyne» av Heidi Halvorsen. «Når synet snur livet på hodet».

28. oktober

Sæbø kyrkje kl. 19:00

Tysdagstreff: Samtale med Magne Bjørndal om livssorg og tap.

1. november

Knarvik kyrkje kl. 11:00

NMS misjonsmesse: Familiemøte med Helle Kartveit og Ostereidet Soul Children. Kl. 12:00-16:00 Salsmesse med kafé, lotteri og barneaktivitetar.

12. november

Meland kyrkje kl. 19:00

Musikkandakt med Lise Herland, obo, Elizabeth Astruc, orgel

15. november

Knarvik kyrkje kl. 17:00

Festkonsert med Bjarte Leithaug og barnekora i området.

16. november

Knarvik kyrkje kl. 18:00

Konsert "Dag for Dag 2" med Jon Martin Skauge. Billett ved inngang og på www.hoopla.no

23. november

Knarvik kyrkje kl. 18:00

Händels "Messias" med Alversund kammerkor, solistar og orkester.

27. november

Knarvik kyrkje kl. 17:30

«Stille natt, hellige natt». Konsert med Dennis Storhøi, Tor Endresen, Ylva og Ingrid Berg Mehus og musikere. Billett: Ticketmaster

4. desember

Meland kyrkje kl. 19:00

Musikkandakt
Salmekveld

Flygel til glede og velsigning

Tekst: Arthur Kleiveland

Foto: Yvonne | Nordhordland Tekst & Foto

Superlativa har kome som perler på ei snor over det nye flygelet i Alversund kyrkje.

- Eit fantastisk instrument og eit smykke i kyrkja, seier Rune Alver.

No inviterer han til to innviings-konsertar i haust. Den første konserten vil kasta lys over korleis vår nasjonalkomponist Edvard Grieg i ungdomsåra utvikla sin musikalske stil. Den nyutdanna Melissa Baug frå Radøy, for tida med tilhald i København, og veteranen Rune Alver, tar tilhøyrarane med på denne spennande reisa.

Konsert nummer to vil visa eit mangfald av dagens unge talentfulle utøvarar.

- Slik kan vi no ta i bruk eit perfekt flygel i Alversund kyrkje. Vi sender ei varm takk til alle gode krefter som har medverka til den store investeringa, seier Rune Alver. Ikkje minst har Bygdebok for Alversund og Sparebanken Norge gitt betydelege bidrag.

- Det er gjort ein formidabel innsats frå bygda og gode



For dei som har jobba for å skaffe pengar til nytt instrument i Alversund kyrkje, vart måndag 26. mai ein stor festdag. På opninga av Alversunddagane kunne dei fortelje at finansiering av flygelet var på plass.

støttespelarar for å få nytt flygel. Instrumentet kjem til å vera til stor glede og velsigning, seier soknerådsleiar Hildur Løkken Lillestøl. Ho fekk overrekt nøklane til flygelet på ein konsert berre timar etter at instrumentet var kome på plass i Alversund-kyrkja.

Glimt sidan sist



Etter familiegudstenesta i Lygra kyrkje pinsedag var det kyrjekaffi, quiz og hesteskokasting. Foto: Bjørn Furukawa.



Flott og variert konsert med SKRUK ein sein fredagskveld først i august. Foto: Bjørn Furukawa.

Viss alt går etter planen, kan namna minnelund på Knarvik gravplass takast i bruk i oktober.

Foto: Synnøve Bjørndal.

Nytt frå staben i Knarvik

Tekst: Synnøve Bjørndal

Spesialprest Tone Marit Øvretveit Dyrkolbotn skal ha permisjon det meste av hausten, men vil ha ansvar for kveldsgudstenestene i Knarvik kyrkje.

Kateket Nina Jenny Monstad har gått over i 100 % stilling med hovudansvar for kyrkjeleg undervisning og har ansvar for mellom anna konfirmantarbeidet.

Kristin Gilje Vestbøstad er tilsett som kyrkjelydspedagog i 60 % stilling. Ho starta i august og skal ha ansvar for babysang og fredagsklubb - og elles delta på andre aktivitetar i kyrkjelyden. Vi ønskjer Kristin velkomen i staben vår!

Kyrkjemiddag 5. oktober

Søndag 5. oktober inviterer arrangementskomitéen til kyrkjemiddag etter gudstenesta i Knarvik kyrkje. Sjå informasjon på heimeside og Facebook.



Fellesskap for alle penga ...

Dei som bur i Knarvik-området har fått ein «200-lapp» som vedlegg i bladet.

Etter eit flott jubileumsår i 2024 satser vi for full fart framover i åra som ligg framom.

Vi vil så gjerne at Knarvik kyrkje skal vere ei «Sju-dagers-kyrkje» med mange og varierte tilbod om fellesskap for folk i alle aldrar og livssituasjonar. Vil du vera med og verkeleggjera dette?

AKKURAT NO avsluttar vi 200-lapp aksjonen der vi spør

- KAN VI UTFORDRE DEG?- Vi treng mange glade gjevarar som kan bidra til

- rask nedbetaling av lån på kyrkjekjellaren (6 mill pr. i dag.)
- drift av ungdomsarbeidet 11-18 år
- leiartrening for ungdomen vår
- drift av arbeid for flyktningar og innvandrarar
- alt anna av aktivitetar i kyrkjekjellaren.

Slekters gang

Knarvik

Døypte

11.05.25 Nils Kvingedal Hellestveit
11.05.25 Nelie Haukanes Høgheim
01.06.25 Magnus Kaspersen
15.06.25 Mia Hillestad
15.06.25 Olivia Lilleskare Vatnøy
06.07.25 Ellinor Andresen Markussen
03.08.25 Evelina Albertsen Karlsen
03.08.25 Frida Margrethe Hansen
17.08.25 Jonatan Skomsøy Stalheim

Døde

19.05.25 Ludvig Kvamme f. 1954
04.06.25 Eva Karin Hjelmtveit f. 1938
09.06.25 Marita Hopland Molland f. 1991

03.07.25 Peder Kornelius Oppedal f. 2007
16.07.25 Kurt Hodneland f. 1966
23.07.25 Alvin Veland f. 1949
08.08.25 Jorunn Fjærvold f. 1941

Alversund

Døypte

29.06.25 Luca Fyllingen Hjertås
29.06.25 Leo Vevang Krüger
29.06.25 Frida Kolbeinsen Rognaldsen

Døde

05.06.25 Rigmor Haaland f. 1933
20.07.25 Johannes Arvid Haaland f. 1928

Seim

Døypte

13.07.25 Leah Marie Kvingedal
13.07.25 Ira Bøkevoll Aarland

Døde

18.06.25 Aslaug Lie f. 1929
11.07.25 Hjørdis Astrid Kristensen, f. 1932
30.07.25 Johannes Monstad f. 1956

Lygra

Døde

29.04.25 Karl Artur Eigestad f. 1938
(Møllendal)

Tankestrek

Av Tone Marit Øvretveit Dyrkolbotn

Kva er det å laga ein tankestrek? Ein strek om tankar?

Eit glimt av noko ein tenkjer på – her og no?

Kva tenkjer du på?

Eg tenkjer på at eg i skrivande stund snart tek sommarferie som glir over i foreldrepermisjon. Eg tenkjer på at når dette bladet dett ned i postkassane rundt om i bygdene våre, så er eit nytt semester i gong. Haustsemesteret. For nokre av oss betyr det ein ny kvardag. Enten på ny avdeling i barnehagen, ny klasse, ny arbeidsplass, nytt tilvære som pensjonist eller ufør, eller kanskje første haust utan nokon du er glad i. Eller kanskje første haust saman med nokon du har vorte glad i. For mange av oss betyr det ein ny haust i det same mønsteret som ein har kjend lenge. Kanskje er det trygt og godt, og samstundes ein ny start?

Kva tenkjer du?

Det å starta på nytt gjer me eigentleg ofte; kvart år, kvart semester, kvar månad, veke og eigentleg kvar dag. Med blanke ark og fargestiftar.

Nokon likar nye startar, andre syns det kjem med mange usikre moment.

Kva tenkjer du?

Eg har alltid likt å gå noko nytt i møte. Eit nytt år. Nytt semester. Det å kunna, i stort frimod, gå nye og ukjende ting i møte. Eg trur det er fine menneskemøte, fine samtalar, varme smil, trivelege pratar over kaffikoppen og mykje anna godt i vente - òg i dette semesteret som no ligg framfor oss som eit blankt ark. Me får fargestiftane i nevane og kan fylla semesteret med fargane me har fått utdelt. Kva ønskjer du å fylla arket - fylla kvardagane - med?

Dette tenkjer eg på akkurat no.

Kva tenkjer du på?



Tone Marit Øvretveit Dyrkolbotn
Spesialprest · Delvis i permisjon
td663@kyrkja.no



Bente Cathrine Sørheim Vetvik
Vikar konfirmandmedhjelpar
bv648@kyrkja.no



Magne Bjørndal
Seniorprest
mb578@kyrkja.no



Synnøve Bjørndal
Dagleg leiar
sb976@kyrkja.no



Kristin Gilje Vestbøstad
Kyrkjelydspedagog
kv479@kyrkja.no



Cathrine Grutle
Sokneprest
cg836@kirken.no



Odd Leif Mjøs
Kantor
om623@kyrkja.no



Nina Jenny Tresvik Monstad
Kateket
nm853@kyrkja.no



Bjørn Furukawa
Kyrkjetenar
bf982@kyrkja.no



DEN NORSKE KYRKJA

Kyrkjekontakten:
Knarvik kyrkjekontor

Lonsvegen 100, 5914 Isdalstø

Opningstid:
Tysdag-fredag kl. 9.00-15.00

Tlf.: 400 01 691

alle kvardagar kl. 10.00-14.00.

Postboks 228, 5903 Isdalstø
post.knarvik@kyrkja.no

www.kyrkja.no/knarvik

Facebooksider:

Knarvik kyrkje
Seim kyrkje
Lygra kyrkje

Kontonummer: 3633 67 39882

Vipps: Nytt VIPPS-nummer:
56789 vel «Kyrkjekontakten» i
menyen.



Alver kyrkjelege fellesråd

Lonsvegen 1, 5914 Isdalstø

post.alver@kyrkja.no
www.kyrkja.no/alver

Kyrkjevevjer: John Fredrik Wallace
jw734@kyrkja.no

Leiar i fellesrådet: Sølvi Knudsen

Soknerådsleiar:
Hildur Løkken Lillestøl

Kyrkjekontakten

Utgjevar: Knarvik sokn, i
samarbeid med Meland sokn,
Osterfjorden sokn, Mo sokn,
Radøy sokn og Lindås sokn.

Redaktør: Berit Nøst Dale
Lokal redaksjon: Arthur
Kleiveland, Håkon Glatved-Prahl,
Synnøve Bjørndal

Grafisk design: Simen Sjøvik
Trykk: Aksell

Framsidedeilete: Orgelpiper i
Knarvik kyrkje. Foto: S.Bjørndal.



GUDSTENESTEKALENDER

Knarvik

21. september

15. søndag i treeiningstida
Kl. 11 v/ Øystein Skaug. Dåp.
Konfirmantpresentasjon.

28. september

16. søndag i treeiningstida
Kl. 19 Kveldsgudsteneste
v/ Tone Marit Øvretveit
Dyrkolbotn. Nattverd.

5. oktober

17. søndag i treeiningstida
Kl. 11v/ Cathrine Grutle. Dåp.
Nattverd

12. oktober

18. søndag i treeiningstida
Kl. 11 v/ Øystein Skaug.
Misjonsgudsteneste.
Nattverd.

19. oktober

19. søndag i treeiningstida
Kl. 11 v/ Cathrine Grutle.
Familiegudsteneste. Dåp.
4-årsbok. Hausttakkefest.

26. oktober

Bots- og bededag
Kl. 11 VISITASGUDSTENESTE
v/ Ragnhild Jepsen, Helge
Taranrød, Cathrine Grutle,
Ole Marton Ølberg m.fl.
Nattverd. Stor kyrkjekaffi.

2. november

Helgemessesundag
Kl. 11 v/ Magne Bjørndal. Dåp.
Nattverd.

9. november

22. søndag i treeiningstida
Kl. 11 v/ Cathrine Grutle.
Familiegudsteneste.

16. november

23. søndag i treeiningstida
Kl. 11 v/ Øystein Skaug. Dåp.
Nattverd.

23. november

Siste søndag i kyrkjeåret
Kl. 11 v/ Cathrine Grutle,
Helge Taranrød, Magne
Bjørndal m.fl. Dåp. Nattverd.
Avskjed for Magne Bjørndal.

30. november

1. søndag i adventstida
Kl. 19 v/ Tone Marit
Øvretveit Dyrkolbotn.
Kveldsgudsteneste.
Nattverd.

7. desember

2. søndag i adventstida
Kl. 11 v/ Helge Taranrød.
Nattverd.

Seim

12. oktober

18. søndag i treeiningstida
Kl. 11 v/ Magne Bjørndal. Dåp.

9. november

22. søndag i treeiningstida
Kl. 11 v/ Øystein Skaug. Dåp.

7. desember

2. søndag i adventstida
Kl. 11 v/ Cathrine Grutle. Dåp.

14. desember

3. søndag i adventstida
Kl. 11 v/ Øystein Skaug.
Vestre Vassbygd Grendahus.

Alversund

28. september

16. søndag i treeiningstida
Kl. 11 v/ Cathrine Grutle.
Alversund kyrkjelydshus 25
år.

2. november

Helgemessesundag
Kl. 18 v/ Cathrine Grutle.
Minnegudsteneste.

30. november

1. søndag i adventstida
Kl. 11 v/ Cathrine Grutle.
Gudsteneste. Dåp.

KVARDAGSGUDSTENESTER i Alversund

Måndagar kl. 14. Kyrkjekaffi. Tur – «Kyrkjegang» kl. 12:30.
13. oktober v/ Helge Hitland
10. november v/ Rune Minde
8. desember v/ Øystein Skaug

Treng du nokon å snakke med?

Ring eller skriv. Vi er her. Alltid.



22 40 00 40
soschat.no

KIRKENS
SOS